

Буллинг қайтсе тыйылады?
2-бет

IT-алқап: Қарағанды көш бастап тұр
5-бет

Ұлыларды ұлықтаған ән кеші
8-бет



ҚАЗДАУЫСТЫ ҚАЗЫБЕК БИ: СӨЗДІҢ АТАСЫ – БІРЛІК, АНАСЫ – ШЫНДЫҚ

ORTALYQ QAZAQSTAN

1931 жылдың 4 қазанынан бастап шығады

Қ А Р А Ф А Н Д Ы О Б Л Ы С Т Ы Қ Қ О Ф А М Д Ы Қ - С А Я С И Г А З Е Т І

www.ortalyq.kz www.instagram.com/ortalyq.kz/

БЕЙСЕНБІ, 14 ҚАРАША, 2024 ЖЫЛ №128 (23 450)

www.facebook.com/ortalyq.kz/ info@ortalyq.kz

• 15 ҚАРАША – ҰЛТТЫҚ ВАЛЮТА ЖӘНЕ ҚАРЖЫГЕРЛЕР КҮНІ

Төрге оздырған төл теңге

1993 жылғы 15 қарашада Ұлттық валюта – теңгенің қолданысқа енгізілуіне байланысты Қазақстанның қаржылық тарихында жаңа парақ ашылды. Бұл қадам – қаржы нарығын қалыптастырудың және елдің тәуелсіз ақша-несие саясатын жүргізу жолының алғашқы бастамасы. Кез келген елдің тарихында бір ақ рет қана болатын оқиғадан кейін «теңге» егемен елдің Ұлттық валютасы ретінде өзінің жолын бастады. Сол кезде жас әрі тәуелсіз елдің азаматтары алғаш рет төл теңгенің тұңғыш купюраларын қолдарына алған күннен бері қанша жыл өтсе де, теңге әлі күнге дейін әлем елдерінің банкноттарымен салыстырғанда өзінің құндылығын жойған емес. Дизайны жылдар бойы жасалған өзге елдердің ақшаларымен салыстырғанда, небары жарты жылдың ішінде дайын болып, көркемдігі жағынан ең жоғары халықаралық наградаларға ие болған теңгенің әлемдегі ең қорғалған валюталардың бірі екенін де айту керек.

Салтанат ІЛИЯШ,
«Ortalyq Qazaqstan»

Теңге атауының қалай пайда болғаны және оның тарихын бүгінде әр қазақстандық білетініне кәміл сенімдіміз. Аға буын алғаш қолданысқа енгізілген қағаз тиын мен қазақтың ұлы тұлғаларының бейнесі бар купюраларды жақсы біледі. Әл-Фараби мен Әбілқайырдың, Сүйінбай мен Құрманғазының, Шоқан мен Абайдың бейнесі бар Ұлттық валюта – теңгенің қолына алып, кеудесіндегі қуаныш сезімін жасыра алмай, ерекше сезімде болғаны

анық. Аумалы-төкпелі кезеңде дүниеге келіп, қиындықпен қол жеткізген теңгенің әр қазақстандық үшін кәстерлі болуы кейінгі ұрпақ үшін – міндет.

Сол кезде Ресейде өзінің ақша реформасын жүргізуі Қазақстанның экономикасына үлкен соққы болды. Әлбетте, осындай жағдайдан кейін теңгені енгізу күрделі операция болғаны анық. Тарихи деректер оған дайындық 1991 жылы басталғанын көрсетеді. Ал, жылдам әрекет етпесе, таразы ба-сында – халықтың әл-ауқаты.

► 4-бет



Коллаж жасаған Ш.Алимбаева

• РЕСМИ

Өндірісте жүріп оқи алады

Мәжіліс депутаттары бірінші оқылымда білім беру және бала құқықтарын қорғау мәселелері жөніндегі Заң жобасын қарады. Оқу-ағарту министрі Гани Бейсембаевтың айтуынша, онда техникалық және кәсіптік оқыту ұйымдарында онлайн оқыту нысаны мен академиялық ұтқырлық қағидаты бар.

Аяулым СОВЕТ,
«Ortalyq Qazaqstan»

– Бұл жаңалық өндірістен қол үзбей кадрлар даярлау мәселесін шешеді және студенттерге оқу мен еңбек қызметін үйлестіре отырып, жеке бағдарламалар бойынша оқуға мүмкіндік береді. АҚШ, Канада, Қытай, Аустралия және Ұлыбритания сияқты елдердің тәжірибесін онлайн білім беру жүйесіне бейімдеп, жаңа білім мен дағдыларға қол жеткізуге мүмкіндік беретінін көрсетеді, – деп атап өтті министр.

Оның айтуынша, онлайн оқыту форматын енгізу колледждерге білім беру бағдарламаларын икемді бейімдеуге, ал, студенттерге – жұмысты үзбей, нақты жағдайларда практикалық дағдыларды игеруге мүмкіндік береді. IT-мамандықтарға ерекше назар аударылмақ. Қазіргі уақытта осы бағыттар бойынша 227 колледж дайындалуда, 56 мың студент білім алууда. Сондай-ақ, академиялық ұтқырлық – студенттерге қазіргі уақытта қол жеткізе алмайтын озық инфрақұрылымы, жабдықтары мен ресурстары бар колледждерде оқуға мүмкіндік береді.

– Осының арқасында аз жабдықталған оқу орындарының студенттері халықаралық стандарттар бойынша жабдықталған колледждерге базасында білім алады, – деді Гани Бейсембаев.



► 6-бет

• МӘСЕЛЕНІҢ МӘНІСІ

Қысқы отынның жылдағы «жыры»

Қарашаның алғашқы онкүндігінде-ақ Арқада ақтүтек боран соқты. Ауылдағы ағайын шөбін үйіп, қысқы отынның әзірлеп алған. Алайда, бұған үлгермей жатқан да ел-жұрт бар. Әсіресе, көмір тапшылығын ақтоғайлықтар кешегі күнге дейін сезініп келді. Дегенмен, аудан басына көмір жеткізу жұмысында іркіліс азайды. Мұнымен қоса, шалғайдағы ел-жұрттың көмір бағасына көңілі көншімейді.

Қасымхан БҮРКІТҰЛЫ,
«Ortalyq Qazaqstan»

Арбалап емес,
дорбалап тасуға рұқсат

Қарағандыдағы арнайы көмір сату нүктелерінде жеткілікті көлемде қор бар. Бірақ, Ақтоғайдағы көмір сағатын екі үлкен базаға енді жеткізіле бастады. Енді ғана жолы жөндеу көргендіктен 30-40 тонналық жүк көліктеріне жүруге рұқсат жоқ. Тіпті, жақында олар 2 млн теңгеге жуық айыппұл арқалаған. Кейіннен ақтоғайлықтарды қысқы отынмен қамтамасыз етіп отырған екі бірдей базаның техникаларына шектеулі мөлшерден асырмай көмір тасуға рұқсат берілген. Дегенмен, «Бұған дейін көмір мүлдем болмады деуге келмейді» дейді аудан әкімінің орынбасары Ардагер Қапашев.



Коллаж жасаған Ш.Алимбаева

– Қысқы отын Қарағандыдан екі бірдей көмір нүктесіне аз-маздан тасылды. Бұған дейінгі «Аудан мүлдем көмірсіз қалды» деген жансақ әңгіме. Аудан басындағы бес кәсіпкер өздерінің жүк көліктерімен тасып, сатты. Бірақ, көмір тапшылығы болғаны рас. Өйткені, екі ірі көмір тасымалдаушы кәсіпкер енді-енді кірісті. Апта басында Қарағандының сату нүктелерінен «Мұнай-пасов» көмір базасына 60-70 тонна көмір жеткізілді. Енді күнге «КамАЗ» жүк көліктері қысқы отынды осындай мөлшерде әкеліп, сатып жатыр. Ал, «Кеңасу» қоймасындағылар «Шұбаркөл көмір» акционерлік қоғамының өз басынан тасуды бастады. Олар күніне 100-110 тонна көмір әкеледі. Біз өз тарапымыздан көмір таситын екі кәсіпкерге кезексіз тиіп алуды ұйымдастырып отырмыз. Өйткені, жол алыс. Бағаны да былтырғыдан өсірмей, келіссөз жүргізіп отырмыз, – дейді аудан әкімінің орынбасары Ардагер Ермеқбайұлы.

Алыпсатарға ауыл өкпелі

Тағы бір шаруа, сөз басында айта кеткеніміздей, аспандаған бағаға ел-жұрттың базынасы бар. Ақтоғай ауылының ақсакалы Болат Тілеуберенов отынды шарықтаған бағаға амалдың жоқтығынан алады дейді.

► 6-бет

ҚҰРМЕТТІ ОҚЫРМАН!

Облыстық «Ortalyq Qazaqstan» газетіне 2025 жылға жазылу науқаны басталды. Газетке жазылу «Қазпошта» АҚ пошта байланысының барлық бөлімшелерінде, сондай-ақ, Ермеков көшесі, 33 үй, 8-қабат мекенжайы бойынша редакцияда ресімдеуге болады

Санаттар	Жеткізусіз	«Қазпошта» АҚ Қала (теңге)	«Қазпошта» АҚ Аудан/ ауыл (теңге)
Кәсіпорындар мен ұйымдар үшін	6 ай	10447,44	5882,60
	12 ай	20894,88	11765,20
Жеке жазылулар үшін	12 айға	3386,60	3074,60
	4116 теңге	12 ай	6773,20

25 қазаннан 25 қараша аралығындағы жеңілдік тарифтері (жылдық жазылу шарты бойынша)

Санаттар	Жеткізусіз	«Қазпошта» АҚ Қала (теңге)	«Қазпошта» АҚ Аудан/ ауыл (теңге)
Кәсіпорындар мен ұйымдар үшін		19 454,88	10 397,20
Жеке жазылулар үшін	3492	6149,20	5 633,20

Анықтама телефоны:

☎ 41-26-85, 8-702-638-56-85, 8-705-902-04-05.

✉ E-mail: otdel.pochtovyy@bk.ru

«ОРТАЛЫҚ ҚАЗАҚСТАН»
ГАЗЕТІНЕ

QR Kaspi QR

АРҚЫЛЫ ЖАЗЫЛЫҢЫЗ



Жеке жазылушылар үшін

ВАЛЮТАЛАРДЫҢ РЕСМИ БАҒАМДАРЫ:

• EUR/KZT 525.49

• USD/KZT 494.95

• RUB/KZT 5.05

• CNY/KZT 68.40

Қазақстан Ұлттық Банкінің 13 қараша, 2024 жылғы дерегі бойынша



Буллинг қайтсе тыйылады?



ҚАРАҒАНДЫ ОБЛЫСЫНЫҢ ӘКІМДІГІ

Аймақтағы тоғыз мектеп республикалық «KiVa буллингке қарсы бағдарламасы» пилоттық жобасына қатысуда. Жоба балаларға эмоцияны дұрыс білдіруді үйретеді. Осы орайда облыстың білім беру ұйымдарындағы педагог-координаторлар балаларды кибербуллингтен қорғау мақсатында жұмыс істей бастады.

Облыс әкімі Ермағанбет Бөлекпаев қатысқан Жастар ісі жөніндегі кеңесте аймақтағы буллингке қатысты мәселелер айтылды. Сондай-ақ, «ДосболLike» акциясы аясындағы жұмыстар қорытындыланды. Акцияға бес мектеп қатысқан. Бұл оқу орындарындағы әлеуметтік-эмоционалдық жағдайды жақсартуға бағытталған.



Аяулым СОВЕТ, «Ortalyq Qazaqstan»

Кеңесте көтерілген сұрақтар жастар саясатының өзекті мәселелерін жүйелі түрде шешуге ықпал етеді. Облыстың білім басқармасының басшысы Гүлбақыт Жүнісова жастар кеңесінің отырысында буллингтің алдын алу бойынша мектептерде жүргізілетін профилактикалық жұмыстарды айтып берді.

– Өткен жылдан бері облыста бірнеше жаңа жоба іске асырылуда. Мысалы, педагогикалық көңіл бөлуі қажет ететін оқушыларды ерте анықтау мақсатында буллинг пен зорлық-зомбылық белгілерін ерте тану үшін әлеуметтік-психологиялық бақылау картасы әзірленді. Бұл құралды психологтар мен әлеуметтік педагогтар сабақ барысында пайдаланады. Сынып жетекшілерінің жоспарында «Психолог

сағаты» енгізілген, – деп атап өтті Гүлбақыт Жүнісова.

Жиында сондай-ақ, полиция департаментімен бірлесіп, бес мектепте «Жас Сақшы» пилоттық сыныптары ашылғаны жайлы айтылды. Жобаға Қарағанды, Балқаш, Теміртау, Саран қалалары мен Нұра ауданы қатысты. Осы орайда облыстың 316 мектебінде психологиялық-педагогикалық мониторингтің автоматтандырылған «HR+» жүйесі енгізілді. Ата-аналарға арналған педагогикалық колдау көрсету орталықтары да ашылды.

Академик Е.Бөкетов атындағы Қарағанды университетінің проректорлары мен Қарағанды экономикалық университеті өкілдері жоғары оқу орындарында буллингтің алдын алу шаралары туралы айты.

– Бұл мәселе тек мектептер үшін ғана емес, жоғары оқу орындары үшін де өзек-

ті. Буллингті жою және оның алдын алу шараларын қабылдау қажет, – деп атап өтті облыс әкімі Ермағанбет Бөлекпаев.

Кеңесте Приозерск қаласы мен Нұра ауданының әкімі Жастар ресурстық орталықтарының дамуын баяндады. Бұл орталықтарда жастар жұмысқа орналасу, тұрғын үймен қамтамасыз етуі және мемлекеттік бағдарламаларға қатысу бойынша кеңес ала алады.

Қарағанды облысының жастар саясаты жөніндегі басқарманың басшысы Нұржан Илияш келесі жылға арналған жобаларды ұсынды. Бірқатар ұсыныстар талқыланды. Облыс басшысы жобаларды пысықтау кезінде жастарды тұрғын үймен қамтамасыз ету мәселесіне ерекше назар аударуды тапсырды.

Суретті түсірген
Жангелді ӘБДІҒАЛЫМ

Есірткісіз аймаққа айналамыз



ҚАРАҒАНДЫ ОБЛЫСЫНЫҢ ӘКІМДІГІ

Облыс әкімдігінде өткен аймақаралық штабтың отырысында есірткіге қарсы саясат қандай деңгейде жүзеге асырылып жатқандығы айтылды. Кеңесте мемлекеттік органдардың өкілдері облысты есірткіден таза аймаққа айналдыру үшін қабылдау керек шаралар талқыланды.



Жансая ОМАРБЕК, «Ortalyq Qazaqstan»

Қарағанды облысында жыл басынан бері 332 есірткі қылмысы анықталып, 445 кг есірткі тәркіленді. Екі жерасты фотолабораториясы жойылды. Есірткі бизнесімен айналысқандардың қызметі тоқтатылды. Қаржы көлемі 2,5 млрд теңгеден асқан 16 күдікті ұсталды.

– Бұл бағыттағы жұмыстарды жандандыру мақсатында Қарағанды, Теміртау, Саран, Шахтинск және Балқаш қалаларында еріктілер мен қоғамдық ұйымдардың қолдауымен «СТОП-граффити» ұранымен ауқымды акциялар өткізілді. 2024 жылдың 16 қазанына дейін 410 рейд жүргізіліп, 11 902 наркотграффити боялды, – деді облыстық полиция департаменті басшысының міндетін

атқарушы Жасқайрат Қайыров.

Заманауи технологиялар дәуірінде қылмыскерлер есірткіні тарату үшін әлеуметтік желілер мен мессенджерлерді көбірек пайдаланады. Облыстық полиция департаменті өкілдері есірткіні жарнамалайтын 177 сайт пен парақшаны бұғаттады.

Отырыста есірткіден емдеу мен оның алдын алу мәселелеріне ерекше назар аударылды. Алдағы уақытта облыстық психикалық денсаулық орталығында газды хроматограф жұмыс істей бастайды.

Денсаулық сақтау басқармасының басшысы Бибігүл Төлегенова бұл құралдың көмегімен адамның ағзасында 100-ден астам есірткі түрін анықтауға болатынын айтады.

Аймақ басшысы есірткіге қарсы профилактика жоғары оқу орындарын-

да, колледждер мен мектептерде қолжетімді формада жүргізілуі керектігін атап өтті. Сондай-ақ, ата-аналармен ақпараттық-түсіндіру жұмыстарын күшейту қажет екендігін ескертті.

– Полиция қызметкерлері қала және аудан әкімдерімен бірге үнемі ауаларды аралап, есірткіні жарнамалайтын орындарды алдын ала анықтауы қажет. Денсаулық сақтау басқармасы мектеп оқушылары мен студенттер арасында үнемі скрининг ұйымдастыруы тиіс. Облыстық диспансер жанынан анонимді кеңес беретін консультациялық орталық ашу қажет. Аймақта есірткіге қарсы күрестің негізгі мақсаты – қоғамды есірткіге тәуелділікпен күресуге шақыратын қоғамдық қозғалыс құру керек. Қарағанды облысы есірткіден таза аймаққа айналуы тиіс, – деп атап өтті Ермағанбет Бөлекпаев.

• ТАҒАЙЫНДАУ

Өзгерістер жетістікке жетелейді



Ерік НАРЫН, «Ortalyq Qazaqstan»

Қарағанды қаласындағы Н.Әбдіров атындағы спорт кешенінде Қарағанды облысы әкімінің орынбасары Әлібек Әлденейдің төрағалығымен Қарағанды облысының ұлттық спорт түрлері қауымдастығының отырысы өтті.

Отырыста қауымдастықтың алдағы уақытта атқарылатын жұмыстары талқыланып және дауыс беру қортын-

дысы бойынша Қарағанды облысының ұлттық спорт түрлері қауымдастығының жаңа президенті болып, Қарағанды облыстық мәслихатының төрағасы – Нұркен Қобжанов тағайындалды. Қауымдастықтың атқарушы директоры болып Олимпиадалық спорт түрлері бойынша Жоғарғы спорт шеберлігі мектебінің басшысы Темірхан Абылаев сайланды.

Мерейтойдағы марапат



Бұқар жырау аудандық Мәдениет үйінде Қазақстан мәслихаттары құрылуының 30 жылдық мерейтойы аталып өтіп, аудандық мәслихаттың осы мерзім ішіндегі 8 шақырылымының көптеген депутаттары өздерінің белсенді саяси қызметі үшін марапатқа ие болды.

Құрмет грамоталары мен Алғыс хаттарын, тиісті медальдарын бір топ депутатқа табыстаған аталған аудан әкімі Ерлан Құсайын сонау тоқсанын-



Ержан ИМАШ, «Ortalyq Qazaqstan»

Өткенге оралсақ, еліміз егемендік алғаннан кейін осыдан 30 жыл бұрын «Қазақстан Республикасындағы жергілікті өкілді және атқарушы органдар туралы» 1993 жылғы 10 наурыздағы Заңымен өкілді және атқарушы билік органдарының өкілеттігі бөлінді. Халық кеңестерінің депутаттары мәслихаттар депутаттар жиналысы болып құрылып, 1994 жылдан бастап мәслихаттар өз жұмысына кіріскен еді. Міне, дәл сол кезден егемен Қазақстанның өкілді билік органдарының қызметі есептеліп келеді.

Аудандық Мәдениет үйіне келген ел әуелі осында фойеде қойылған көрмемен танысты. Онда «Қазақстан мәслихаттарына – 30 жыл», «Мәслихат – ел қамқоры», «Халыққа қызмет ету – өмірлік ұстаным» тақырыптарындағы стенділерден жергілікті өкілді органның жүріп өткен жолы мен оның өңірдің әлеуметтік-экономикалық дамуына қосқан үлесі мен сайлаушылардың аманатын орындаудағы депутаттардың іс-қимылдарын көруге болады.

Сахна төрінен Өнұранымыз орындалып, салтанатты жиынды құттықтау сөзбен ашқан облыстық мәслихаттың төрағасы Нұркен Қобжанов: – Мәслихаттар халық пен билік арасындағы алтын көпір болып саналады. Олардың құрамына халық тікелей дауыс беру жолымен сайлаған депутаттар алғашқы сессияларынан бастап атқарушы органдармен бірлесіп, небір күрделі мәселелерді шешумен келеді, – дей келе, аудандық мәслихаттың әр шақырылымындағы бірнеше депутатқа облыстың Құрмет грамоталары мен облыстық мәслихаттың Алғыс хаттарын, мерейтойға арнап шығарылған медальдарды тапсырды.

Ал Бұқар жырау ауданы әкімінің

шы жылдардағы қиыншылықтарды еске алып, сол сын сағатта да аудандық мәслихат депутаттарының халықпен бірге болып, олардың проблемаларын шешуде табандылық танытқанын тілге тиек етті. Сондай-ақ, ол қазірде аудан әкімі қабылдаған кез келген шешім бірінші кезекте депутаттардың талқысына түсіп, аудандық мәслихат арқылы өтетінін де ашық айтты.

Келесі кезекте аудандық мәслихаттың төрағасы Асхат Әли аудандық мәслихат депутаттарының осы 30 жылда атқарған жұмысы мен жеткен жетістіктеріне қысқаша тоқталып: – Бүгінде мемлекетіміздегі барлық деңгейдегі депутаттар корпусы нығайып, өз аймақтары бойынша барлық мәселелерге араласады. Мәселен, біздің депутаттар облыстық мәслихаттың 5 тұрақты комиссиясының отырыстарына да қатысып, облыстық басқармалар мен департаменттер басшыларына аудан дамуына қатысты сұрақтарын қойып, ел Парламентінің құс палатасымен де тығыз байланыс орнатқан, – деп қуана хабарлап, тағы да депутаттар тобына тиесілі марапаттарын ұсынды.

Бұл салтанат үстінде Асхат Сағандұлының идеясы бойынша Қаршыға Игеннің режиссерлігімен түсірілген деректі фильм көрсетіліп, ол өңір мен аудандық мәслихаттың даму тарихынан сыр шертіп, жиналғандар оны қызыға тамашалады.

Мерейтой салтанатында жергілікті өнерпаздар Қазбек Талашев, Азамат Амантайұлы, Гүлдана Макшонова, Сая Халидәлді, Еркебұлан Қалиев әуелете ән шырқап, «Шұғыла» би тобының бұрала билеп, қалың көпшіліктің көңілін бір серпілтітті.

Бұқар жырау ауданы

Суретті түсірген
Александр МАРЧЕНКО

• ТӘУЕЛСІЗДІК ҚАЛҚАНЫ

Қазіргінің қаһармандары Қарағандыда құрметтелді

Қазақ қаһарманы Бауыржан Момышұлының «Ерлік – табиғат сыйы емес, саналы әскери тәрбиенің жемісі, Отан алдындағы қасиетті парызынды орындау үшін адамзаттың ең асыл сезімімен жігерленіп, өзінді саналы түрде қауіп-қатерге бас тігуге мәжбүр етудің нәтижесі» – деген сөзі бар. Дәл осылай халықты аман алып қалу мақсатында ауыр жарақат алса да, қол гранатасын жаруға әрекет еткен лаңкесті құлатып, кеудесімен жапқан полиция капитаны Ғазиз Байтасовтың ерлігі мен есімі мәңгілік ел есінде. Бұл – 2011 жылғы 12 қарашада болған оқиға. Ерлікпен қаза тапқан тәртіп сақшысына «Халық Қаһарманы» атағы берілгені білеміз. Ішкі істер министрлігінің бастамасымен еліміздің әр өңірінде Ғазиз Байтасовтың ерлігіне арналған «Қазіргі заман қаһарманы» акциясы дәл осы күнге, яғни, 12 қарашаға орайластырып өткізіледі. Биыл түрлі жағдайда азаматтарды құтқарып қалған антына адал Ұлттық Ұлан мен полиция қызметкерлері Қарағанды облысында жиналды. Акцияның мақсаты – ел үшін туған ерлердің патриоттық рухын жас ұрпаққа үлгі ету, ерлігі мен батырлығын насихаттау, сондай-ақ, ішкі істер органдарының беделін көтеру. Шараға Ғазиз Байтасовтың ұлы – Әділжан Ғазизұлы да қатысты.



Салтанат ІЛІЯШ,
«Ortalyq Qazaqstan»

«Мамандық емес, жүректен шығатын миссия»

Өзгені өлімнен алып қалу үшін «жанын шүберекке түйіп», көзсіз ерлікке барған полиция және Ұлттық Ұланның он бес қызметкері екі күн бойы Қарағанды облысында болды. Акцияға қатысушылар алдымен қайтыс болған полиция қызметкерлеріне арналған мемориалға гүл шоқтарын қойды. Сондай-ақ, Қазақстан Республикасы Ішкі істер министрлігінің Бөрімбаек Бейсенов атындағы академиясында өткен дөңгелек үстелге қатысты. Мазмұнды пікірталастан кейін қатысушылар Долинка кентіндегі ҚарЛАГ мұражайына барып, халқымыздың батылдығы мен табандылығын еске түсіретін тарих беттеріне үңілді. Қазіргі заман қаһармандары батылдықты сабағында оқушылармен кездескенін де айту керек. Акция Кеншілер мәдениет сарайындағы салтанатты іс-шарамен жалғасты.

Өзін өлімге қиса да, өзгенің өмірін сақтап қалуды басты қағида еткен қаһармандар өздерін батыр деп санамайды. Мәселен, Қызылорда облысының мемлекеттік мамандандырылған күзет қызметі басқармасының және полиция департаментінің полициялері – полиция старшинасы Әділхан Жұмабеков пен полиция кіші сержанты Алтынбек Ұзақбай қаңтардың қақаған аязына қарамастан, екі баланы құтқару үшін Сырдарияның мұзды суына секірді. Дәл осылай Павлодар облыстық полиция департаментінің аға учаскелік полиция инспекторы полиция капитаны Елдос Қойкен де, Жетісу облыстық полиция департаментінің қызмет инспекторы полиция лейтенанты Санат Серікқалиұлы да суға кеткен адамды ажалдан арашалап қалған болатын.

Ал, Астана қаласы полиция департаментінің қызмет инспекторлары – полиция капитаны Дулат Ыдырысов пен полиция аға лейтенанты Мұхаметқали Қалдыбеков пәтерге терезе арқылы кіріп, ауыр науқасқа көмек көрсеткен. Атырау облыстық полиция департаментінің учаскелік инспекторы, полиция аға лейтенанты Дамир Қорғанбаев болса, отқа оранған үйдің тұрғындарын эвакуациялады. Қостанай облыстық полиция департаментінің учаскелік полиция инспекторы, майор Дархан Тұрғанов қарлы боранға қармастан, жаяу жүріп, адасқан адамды тауып, көмек көрсете алды.

Солтүстік Қазақстан облыстық полиция департаментінің

аға қызмет инспекторы, полиция капитаны Бахтияр Дошанов пен Ақтөбе облыстық полиция департаментінің учаскелік инспекторы, полиция майоры Райымбек Оңғарбаев көпқабатты үйдің балконынан секіріп, суицид жасауға

батырларды облыс әкімі Ермағанбет Бөлекпаев құттықтап, Алғы хаттар табыстады.

– Бүгін біз батылдықты, арнамыз және адалдығымен мемлекеттің күш-қуаты мен әділдігіне деген сенімді нығайтып жүрген



оқталған әйелдерді аман алып қалған.

Ал, балалар мінген автобус пен жүк көлігінің соқтығысуын болдырмау мақсатында өзін құрбан ете отырып, соққыны өз көлігіне алған Ақмола облыстық полиция департаментінің қызмет инспекторы полиция аға лейтенанты Бүркіт Алшынбаевтың жанқиярлығын аман қалған балалар әлі күнге жыр қылып айтады.

Қазақстан Республикасы Ішкі істер министрлігінің Ұлттық Ұлан подполковнигі Денис Шемет болса, граната жарылған кезде сарбазды денесімен жауып, өмірін сақтаса, сержант Ислам-али Жапар қаруды бұзақымен жалғыз арналысып, жәбірленушіні аман алып қалды.

Ал, Қарағанды облысы полиция департаментінің инспекторы, полиция аға лейтенанты Ернар Сайлауов мереке кезінде мыңдаған адамдар арасында есінен танып қалған қызды байқап, оған алғашқы медициналық көмек көрсетіп, дәрігерге жеткізді. Оның бұл ерлігі әлеуметтік желі арқылы тарап, халықтың алғысын алған болатын.

Көзсіз ерлікке – лайықты құрмет

Бұған дейін қаһармандар ерліктері үшін Мемлекет басшысы Қасым-Жомарт Тоқаевтың және Ішкі істер министрі Ержан Сәденовтің қолынан марапаттар алған. Кеншілер мәдениет сарайында

қызмет екенін атап өтті.

– Полициядағы қызмет – ерекше мемлекеттік қызмет түрі. Күнделікті 10 мыңнан астам полицей нарядтарға түсіп, азаматтардың тыныштығын қамтамасыз ету үшін тәулік бойы қызмет етеді. Олардың мойнына қоғамдық қауіпсіздікті қамтамасыз ету, Заң мен тәртіптің сақталуы жүктелген. Осы міндеттерді орындау барысында олар түрлі қылмыстар, зорлау, тонау, жол оқиғалары сияқты түрлі қауіпті жағдайлармен жиі кездеседі. Дәл сол үшін, полиция қызметі – тек мамандық емес, жүректен шығатын миссия деп аталады. Мұндай қызмет стрестік жағдайда шапшаңдылық пен тез шешім қабылдауды қажет етеді. Өйткені, таразы басында – адам өмірі. Осындай жағдайларда қы-

819 тәртіп сақшысы көз жұмған. Ал, оның 92-сі қатыгез қылмыскерлердің қолынан қаза тапқан. 5 мыңға жуығы жарақат алған. Бірақ, өкінішке қарай, ерліктері бағаланбай, көлеңкеде қалып қойған батырлардың бар екенін де жоққа шығармайды Шыңғыс Әлекешев.

– Бұл бағытта министрдің тапсырмасы бойынша біз архивтерден тарихи құжаттар мен қылмыстық істерді қайта көтеріп, зерделеп жатырмыз. Ерліктері бағаланбай, көлеңкеде қалып қойған әрбір батырдың есімі ұлықталады, – дейді Шыңғыс Әлекешев. Соның бірі – жуырда кинотеатрлардан көрсетіле бастайтын «Капитан Байтасов» атты көркем фильм.

Шыңғыс Әлекешев Ішкі істер министрі Ержан Сәденовтің батырларды марапаттау туралы бұйрығын оқыды және 15 қаһарманның әрқайсысына марапаттар мен естелік кәдесыйлар табыстады.

«Есімі ел жүрегіне сақталған ер – бақытты»

Қаһармандарды Қарағанды облысының полиция департаменті бастығының міндетін атқарушы полиция полковнигі Жасқайрат Каиров та құттықтады.

– Отанға қызмет етіп, қиын-қыстау кезеңде халықтың жанынан табылатын тәртіп сақшыларының ерлігін ұлықтау, батырлықтарын еске алуға ұрпаққа жеткізу – акцияның басты міндеттерінің бірі. Біз қызметтік міндеттерін орындауда ерекше көзге түсіп, батырлық танытқан, етігімен су кешіп, алапат өрттен, судан, тосыннан келген төтенше жағдайлардан азаматтарды құтқарған полиция қызметкерлеріне құрмет көрсетеміз. «Есімі ел жүрегіне сақталған ер – бақытты», – деп Бауыржан Момышұлы айтқандай, бүгінгі қаһармандарымыздың есімдерін елге танытып, ерлігін жастарға үлгі етсек, бүгінгі шараның мақсатының орындалғаны, – деген Жасқайрат Иманбекұлы жиналғандарға еліміздің өркендеуі жолында атқарып жатқан еңбектеріне толағай табыс тіледі.

Шараға арнайы келген Халық қаһарманы Ғазиз Байтасовтың ұлы – Әділжан Ғазизұлы да қазіргі заман батырларына лебізін білдірді.

– Әкемнің ерлігін дәріштеп, құрмет көрсетіп келе жатқан Ішкі істер министрлігіне, бүгінгі шараны ұйымдастыруға ұйытқы болған Қарағанды облысы әкімідігіне алғысымды білдіремін. Қылмысқа қарсы күресте тәуекелге бел байлап, үнемі алдыңғы қатарда жүретін полиция қызметкерлері күн мен түнге қарамай, аянбай қызмет етеді. Мен де болашақта сіздердің қатарларыңызға қосылып, Ішкі істер органдарында мінсіз қызмет атқарғым келеді. Елімізде халқына қызмет көрсететін полиция қызметкерлерінің саны көп екені қуантады. Ел игілігі жолындағы жауапты міндетті абыроймен атқарып, жоғары жетістікке жете берудіңізді тілеймін. Өрқашан отбасыларыңызға аман-есен оралыңыздар! – деді Әділжан Ғазизұлы.

Шара мерекелік концертке ұласты.

Суреттерді түсірген
Александр МАРЧЕНКО



